

Simon, E. 1900. Descriptions d'arachnides nouveaux de la famille des Attidae. Ann. Soc. ent. Belg. 44: 394-395.

Padilla mantis Simon, 1900

P. mantis sp. nov. — ♂. Long. 3,5 mill. — Cephalothorax subtiliter coriaceus et opacus, fovea thoracica minutissima punctiformi impressus, fusco-rufescens, utrinque fere niger, parte cephalica antice dilutiore et maculis nigris binis notata, utrinque vitta albo-squamulata marginata. Pili oculorum breves albidi. Clypeus vix ullus, nudus. Abdomen angustum et longum, supra duriusculum et nitidum, fusco-testaceum, antice lineis binis, postice maculis biserialis nigris notatum, et maculis binis albo-squamulatis altera ad marginem anticum altera submedia ornatum. Chelæ breves, nigro-teneæ, antice planæ, et extus et intus acute carinatæ, atque intus leviter emarginatæ, haud contiguæ (apophysi anteriore carentes). Sternum fusco-testaceum leve. Pedes Iⁱ paris castanei, tarso luteo. patella tibiaque ad basin albo-squamulatis, femore late clavato, intus ad marginem inferiorem aculeo erecto armato, tibia valde dilatata ovata et compressa, setis nigris et densis fimbriata, aculeis validis ordinariis armata. Pedes quatuor postici lutei, patellis tiliis metatarsisque apice tenuiter nigro-cinctis. Pedes-maxillares fulvi; patella haud longiore quam latiore; tibia patella brevior, latiore quam longiore, apophysi apicali gracili sat longa et subrecta extus armata; tarso longe ovato; bulbo magno, valde convexo, apice stylo, circulum formante, munito.